



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De falsa expositione istius verbi, quòd sola fides faciat nos filios Dei. tit. 24

urn:nbn:de:hbz:466:1-29452

Et Paulus conqueritur Rom. 10. quando dicit. Corde creditur ad iustitiam, ore autem fit confessio ad salutem, &c. Eodem capite dicit, Non omnes obediunt Euangelio &c.

DE FALSA EXPOSITIONE

*istius verbi, quod sola fides faciat nos
filios DEI.*

TITVLVS XXIII.



Rimò, sectæ vt derogent pijs operibus, & suum conceptum errorẽ defendant, seducunt simplices cū dulcibus illis verbis, pater & filius. Nã sic docent: Quicumque filius est, hic constituitur iustè hæres bonorum:

Nam hoc ipso quòd nascitur meretur hereditatẽ absque opere & omni merito. Sic fides sola nos facit filios Dei, Ioan. 1. Dedit eis potestatem filios Dei fieri, idque quã primùm credere inceperimus, adsciscimus in hæres & filios Dei: Rom. 8. si filij, ergo & hæredes, absq; omni merito, opere, passione, per solam fidem: quare cū simus filij & hæredes, consecuti hoc sumus, id est, salutem per solam fidem &c.

Secundò, Paulus Rom. 16. inquit: Rogo vos fratres, vt obseruetis eos, qui per dulces sermones & benedictiones seducunt corda innocentum &c. Loquuntur sectæ de nostra iustificatione, quasi essemus à natura hæredes & filij Dei, sine omni obedientia, operibus, merito & passione: sicut Christus, qui solus est à natura filius Dei, & heres verus omnium bonorum Dei, etiamsi non fuisset incarnatus, & obedisset vsq; ad mortem crucis patri, Phil. 2. sic hæretici se assilant Christo, & volunt sic esse filij Dei, quasi à natura essent tales. Sed nos nō sumus à natura filij Dei, sed adoptatione, id est, assumpti & vocati hæredes, nō filij na.

filij naturales. Ideò filius adoptiuus non possidet hæreditatem, quantum ad naturam, sed solū id quod ei ex gratia donatur. Si filius adoptiuus fuerit obediens, & facit voluntatem parentum, qui eum adoptarunt, (nam propter obedientiam talis est electus & adoptatus) tunc hæreditabit bona: sin autem, è domo expellitur: quia talis filius adoptiuus, est veluti seruus in domo: statim quando non facit voluntatē patris, ex domo eijcitur. Sic Paulus adducit historiā Genes. 21. ad Galat. 4. de duobus filijs Abraham: &c. quoniam ancilla & filius eius non viuebant secundum voluntatem patris & Saræ, ideò dicitur: Eijce ancillam & filium eius: non enim erit hæres filius ancillæ cum filio liberæ.

Insuper hoc certum est, prout scribitur in Authentico, hoc ampliùs, Cod. de fidei commiss. & C. de iure deliberandi, L. scimus, quòd omnis qui vult cohereditare alicuius bona, hunc oportere etiam voluntatem testatoris, mandatum &c. simul expedire & implere. Idcirco tali homini iura liberum faciunt, vtrū hæreditatem tali conditione adire velit, nec ne. Sic etiam agitur cum bonis Dei, quæ licet promissa sint omnibus credentibus, simul tamē & hoc impositum illis, qui participes fieri volunt iustificationis & hæreditatis, vt operentur voluntatem Dei, tollant suas cruces & sequantur illum, Luc. 14. Qui nō accipit crucem suam, & sequitur me, non est me dignus. Et 1. Petr. 2. Christus pro nobis passus est, vobis relinquens exemplum. Roma. 6. Si consepulti fuerimus peccato, in ipso viuemus & conregnabimus.

Insuper in Authentico, vt cum de appellationibus cognoscitur, § causas: Pater si habuerit filios, qui tamen naturales sint hæredes, si inobediēs aliquis illorum factus fuerit, atq; omnis generis scelera & vitia sectetur, hunc iure potest exhereditare. Sic si inobedientes fuerimus Deo patri & Euangelio Christi, non
erimus

erimus capaces aeternae hereditatis, etsi adoptiui filij fuerimus, & fidem sterilem habuerimus. Sic dicit Apostolus Rō. 8. Si secundum carnem vixeritis, moriemini, & 1. Cor. 6. Ephe. 5. Galat. 5. Tales regnum Dei non possidebunt. Ideo licet adoptiui filij sumus, & fidem Christi ore tenemus, si factis negamus illum, ad Tit. 1. Si non obedierimus patri caelesti in caelis, nihil proderit nobis illa adoptiua filiatio. Non igitur satis est, nudum nomen filij, aut nuda & sola fides, sed etiam requiritur obedientia, vt faciamus voluntatem patris, si quis vult verus eius esse filius & haeres. Ideo inquit Christus Matthaei septimo. Non omnis qui dicit mihi, Domine Domine, introibit in regnum caelorum, &c.

Præterea Deus in veteri testamento, Deutero. 21. nedum exhereditat filios inobedientes parentibus, sed etiam iubet lapidibus obrui. Si genuerit homo filium contumacem & proteruum, qui non audiat patris & matris imperium, & coërcitus obedire contempserit, apprehendent eum, & ducent ad seniores, id est, iudices ciuitatis: dicentque, filius noster iste proteruus & contumax monita nostra audire contemnit, comestationibus vacat & luxuriæ, atque conuiujs: & lapidibus tunc obruet eum populus ciuitatis, & morietur, & auferetur malum de medio vestri, vt vniuersus Israël audiens pertimescat, &c. hæc Deus præcipit. Quid proderit tali filij nomen, aut quod sit haeres natus &c. Sic quid tibi prodesse potest nuda fides & confessio nominis Christi, si non adest obedientia? Luc. 6. inquit Christus: Quid vocatis me, Domine Domine, & non facitis ea quæ dico vobis? Si ergo non est satis, quod quis filius sit natus patri, si non etiam obedierit patri, nec haeres Dei erit quis per solam fidem, auditionem verbi, nisi & fecerit quæ præceperit pater.

Sic Apostolus Ioannes 1. Ioan. 3. dicit hæc per ordinem:

dinem: Primò videte fratres, qualem charitatē, id est, honorem, dedit nobis pater, vt filij Dei nominemur & simus. Secundò inquit: In hoc manifesti sunt filij Dei, & discernuntur à filijs diaboli, vbi charitas fuerit. Nā qui non diligit fratrem, hic non est filius Dei, sed Sathane: sicut Cain occidit fratrem suum Abel, Genes. 4. Tertio qui peccat, ex diabolo est, hic ab initio peccat, id est, mendax & homicida est, Ioan. 8. & Christus Mat. 5. notat, qui sint filij patris, qui in cœlis est, dicens: Ego dico vobis, diligite inimicos vestros, & benefacite his qui oderunt vos, & orate pro persequentibus & calūnantibus vos, vt sitis filij patris vestri, qui in cœlis est, qui Solem suum oriri facit super bonos & malos, & pluit super iustos & iniustos. Ergo filium atq; hæredem regni facit non solum fides, sed magis obedientia Dei. Rom. 8. Quicumq; Spiritu Dei aguntur, hi filij Dei sunt. Ergo deceptio est in his dulcibus verbis, filius, pater &c.

*DE FALSA INTERPRETATIONE
ILLIUS PROPOSITIONIS, Quicumque ha-
bet Christum.*

TITVLVS XXV.

DR Imò, vt sectę suę somnium retineant de sola fide, ad derogandum pijs operibus, dicunt: Quicumq; habet Christum & cui donat pater Christum filiū, huic omnia donat cum filio, Rom. 8. quæcūque habet Christus, iustitiam, sanctitatem, sapientiā, redemptionem &c. At qui solum credit in Christum, hic habet Christū & omnia cum illo gratis sine omni respectu operum propriorum. Habitat enim Christus per fidem in cordibus vestris, Eph. 3. Ergo sufficit mihi quòd habeo Christum. Quid Papa, Cæsar, vel opera? habeo Christum & c. & omnia cum Christo, Nihil ultra in-